



Broj: 08-01-03/2-11-2-413-10/26

Dana: 08.04.2026. godine

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14, 59/22 i 50/24) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14 i 49/23), na Preporuku Komisije za javne nabavke roba, usluga i radova iz Zapisnika o pregledu i ocjeni ponuda broj: 08-01-03/2-11-2-413-9/26 od 06.04.2026.godine, u postupku javne nabavke "Nabavka agregata za alternativno napajanje električnom energijom", ministar Ministarstva unutrašnjih poslova Zeničko-dobojskog kantona, d o n o s i:

O D L U K U

o izboru najpovoljnijeg ponuđača "SICON SAS" d.o.o. Tuzla, za "Nabavka agregata za alternativno napajanje električnom energijom"

Član 1.

Prihvata se Preporuka Komisije za javne nabavke roba, usluga i radova (u daljem tekstu: Komisija), iz Zapisnika o pregledu i ocjeni ponuda broj: 08-01-03/2-11-2-413-9/26 od 06.04.2026. godine i ugovor za "Nabavka agregata za alternativno napajanje električnom energijom" dodjeljuje se ponuđaču "SICON SAS" d.o.o. Tuzla, sa ponudom broj: 08-01-03/2-11-2-413-5/26 od 12.03.2026. godine i ponudenom cijenom u iznosu od 120.700,00 KM bez PDV-a, u koju je uračunat popust ostvaren na e-Aukciji u iznosu od 1,24%.

Član 2.

Odabrani ponuđač dužan je u roku **od 5 (pet) dana** od dana zaprimanja ove Odluke, dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- izvod iz kaznene evidencije Suda BiH i izvod nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; Napomena: Prema stavu Agencije za javne nabave, potrebno je dostavljanje oba uvjerenja! Ponuđač je dužan dostaviti uvjerenje izdato od strane Suda BiH, kao i uvjerenje suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz članka 45. stav (1) tačka a) ZJN. Nije prihvatljivo uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji nije nadležan prema sjedištu ponuđača.
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

Član 3.

Ova Odluka objavit će se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.



Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Na osnovu Odluke o pokretanju postupka broj: 08-01-03/2-11-2-413/26 od 19.02.2026. godine i Obavještenja o nabavci broj: 488-1-1-4-3-18/26 od 20.02.2026. godine, proveden je otvoreni postupak javne nabavke "Nabavka agregata za alternativno napajanje električnom energijom". Procijenjena vrijednost nabavke je iznosila 122.222,22 KM bez uključenog PDV-a. Sažetak obavještenja o nabavci broj: 488-1-1-4-3-18/26 objavljen je dana 27.02.2026. godine u "Službenom glasniku BiH", broj: 16. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-413-1/26 od 23.02.2026. godine.

Komisija je sačinila Zapisnik o prijemu ponuda broj: 08-01-03/2-11-2-413-9/26 od 13.03.2026. godine i Zapisnik sa otvaranja ponuda broj: 08-01-03/2-11-2-413-10/26 od 13.03.2026. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da su se do roka određenog za dostavljanje ponuda 4 (četir) ponuđača prijavilo na predmetno javno nadmetanje i to ponuđači: "MATISA" d.o.o. Tuzla, "SICON SAS" d.o.o. Tuzla, "NEXEN" d.o.o. Banja Luka i "MALCom" d.o.o. Sarajevo.

Nadalje, Komisija je sačinila Zapisnik o pregledu i ocjeni ponuda broj: 08-01-03/2-11-2-413-9/26 od 06.04.2026. godine, te utvrdila da:

Ponuda ponuđača "NEXEN" d.o.o. Banja Luka nije kvalifikovana obzirom da ponudena roba ne ispunjava zahtjeve u pogledu opisa predmeta nabavke i tehničkih specifikacija kako slijedi:

- u tenderskoj dokumentaciji kao karakterisitika za sva tri tipa agregata u dijelu koji se odnosi na Kontrolni panel je zahtijevano "minimalno 8 podesivih digitalnih ulaza proširivih do 40, minimalno 8 podesivih digitalnih izlaza proširivih do 40", dok se iz dostavljene tehničke specifikacije ovog ponuđača ne vidi da ima mogućnost proširivosti do 40, odnosno ustanovljeno je da uređaji ne zadovoljavaju tražene zahtjeve;
- u tenderskoj dokumentaciji kao karakteristika za sva tri tipa agregata u dijelu koji se odnosi na Kontrolni panel je zahtijevano "minimalno 7 podesivih analognih ulaza", dok se iz dostavljene tehničke specifikacije ovog ponuđača vidi da je u pogledu broja analognih ulaza stavljena oznaka "-", odnosno ustanovljeno je da uređaji ne zadovoljavaju tražene zahtjeve.

Dana 06.04.2026. godine u 10:05 časova, u skladu sa odredbama Pravilnika o uslovima i načinu korištenja e-Aukcije ("Službeni glasnik BiH" broj: 80/23), započeta je e-Aukcija između ponuđača čije su ponude ocijenjene kao prihvatljive.

Početna rang lista ponuđača koji su pozvani da učestvuju na e – Aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	"MATISA" d.o.o. Tuzla	4209190350003	122.000,00	1
2.	"SICON SAS" d.o.o. Tuzla	4209127740004	122.220,00	2
3.	"MALCom" d.o.o. Sarajevo	4200160510009	122.222,22	3

Aukcija je okončana dana 06.04.2026. godine u 10:15 časova.

Konačna rang lista ponuđača koji su učestvovali na e-Aukciji, kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	"MATISA" d.o.o. Tuzla	4209190350003	121.000,00	0,82 %	2
2.	"SICON SAS" d.o.o. Tuzla	4209127740004	120.700,00	1,24 %	1
3.	"MALCom" d.o.o. Sarajevo	4200160510009	122.222,22	0,00%	3

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a u KM	Popust	Početna cijena ponude bez PDV-a u KM, sa popustom (prije e-aukcije)	Konačna cijena ponude bez PDV-a u KM, sa popustom (nakon e-aukcije)	Rang
"MATISA" d.o.o. Tuzla	122.000,00	NE	122.000,00	121.000,00	2
"SICON SAS" d.o.o. Tuzla	122.220,00	NE	122.220,00	120.700,00	1
"MALCom" d.o.o. Sarajevo	122.222,22	NE	122.222,22	122.222,22	3

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena". Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom.

Slijedom navedenog, ponuđač "SICON SAS" d.o.o. Tuzla, odabran je na osnovu ponuđene cijene u iznosu od 120.700,00 KM bez PDV-a u koju je uračunat popust ostvaren na e-Aukciji u iznosu od 1,24%.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

